



REPUBLIKA E SHQIPËRISË
KOMISIONI QENDROR I ZGJEDHJEVE

KOMISIONIERI SHTETËROR I ZGJEDHJEVE

Data: 23.3.2023

Nr: 194

Ora: 11:00

VENDIM

PËR

SHQYRTIMIN E TË REZULTATIT TË VERIFIKIMIT TË PROKURORIT TË PËRGJITHSHËM PËR
SUBJEKTIN VETËDEKLARUES Z. ALTIN LOSH GJELOSHAJ, KANDIDAT PËR DEPUTET I
PROPOZUAR NGA KOALICIONI ALEANCA BASHKIMI POPULLOR- EMIGRACIONI -ORA E SHPRESËS
DHE KONSERVATORËT (ABEOK), QARKU SHKODËR

Sot më datë 23.3.2023, unë Komisioneri Shtetëror i Zgjedhjeve, në seancë publike shqyrtova çështjen me:

Objekt: Shqyrtimi i rezultatit të verifikimit të Prokurorit të Përgjithshëm për subjektin vetëdeklarues Z. Altin Losh Gjeloshaj, kandidat i propozuar për deputet nga Koalicioni Aleanca Bashkimi Popullor-Emigracioni-Ora e Shpresës dhe Konservatorët (ABEOK), qarku Shkodër, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”.

Palë të interesuara: Z. Altin Losh Gjeloshaj, kandidat i propozuar për deputet nga Koalicioni Aleanca Bashkimi Popullor – Emigracioni – Ora e Shpresës dhe Konservatorët (ABEOK) qarku Shkodër, për zgjedhjet për Kuvendin e Shqipërisë të datës 25 Prill 2021.

Baza ligjore: Nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit nr. 44/2015, “Kodi i Procedurave Administrative”, ligji nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr.

Data: 23.3.2023 Nr: 194
Ora: 11:00



Për shqyrtimin e rezultatit të verifikimit të Prokurorit të Përgjithshëm për subjektin vetëdeklarues z. Altin Losh Gjeloshaj, kandidat për deputet i propozuar nga Koalicioni, Aleanca (ABEOK) Qarku Shkodër

138/2015, “Për garantimin e integritetit të personave që zgjidhen, emërohen ose ushtrojnë funksione publike”,

Në përfundim të shqyrtimit administrativ,

VËREJ:

I.

Në zbatim të ligjit nr.138/2015, “Për garantimin e integritetit të personave që zgjidhen, emërohen ose ushtrojnë funksione publike” Komisioni Qendror i Zgjedhjeve është organi kompetent për administrimin, verifikimin, zbatimin e ndalimeve për zgjedhjen dhe emërimin për funksionet publike si dhe përpunimin për formularin e vetëdeklarimit për disa subjekte ndër të cilat është edhe “Kandidati për deputet”.

Në zbatim të këtyre dispozitave, z. Altin Losh Gjeloshaj, kandidat i propozuar për deputet nga Koalicioni Aleanca Bashkimi Popullor-Emigracioni -Ora e Shpresës dhe Konservatorët (ABEOK), qarku Shkodër, ka depozituar pranë Komisionit Qendror të Zgjedhjeve, formularin e vetëdeklarimit me nr.994 unik.

Përpara miratimit të listave të kandidatëve për deputetë për subjektin zgjedhor Koalicioni Aleanca Bashkimi Popullor-Emigracioni-Ora e Shpresës dhe Konservatorët (ABEOK), qarku Shkodër, në bazë të kompetencave të veta, KQZ bëri verifikimin “prima facie” dhe pasi konstatoi se kandidati nuk është në kushtet e ndalimit, ndërmori hapat e mëposhtme:

- a. Komisioni Qendror i Zgjedhjeve, me shkresën nr.2204 prot, datë 17.03 2021, ka kërkuar informacion nga zyra e gjendjes gjyqësore, pranë Drejtorisë së Përgjithshme të Burgjeve, e cila nga ana e saj me shkresën nr. 2858/1, prot, datë 18.03.2021, informon Komisionin Qendror të Zgjedhjeve, se kandidati për Deputet z. Altin Losh Gjeloshaj, rezulton se nuk është i dënuar me vendim penal të formës së prerë.
- b. Komisioni Qendror i Zgjedhjeve, me shkresën nr. 2212 prot, datë 17.03 2021, ka kërkuar informacion nga zyra e gjendjes civile, pranë Drejtorisë së Përgjithshme të Gjendjes Civile, e cila nga ana e saj me shkresën nr. 1155/1 prot, datë 08.04.2021, informon Komisionin Qendror të Zgjedhjeve, se kandidati për Deputet z. Altin Losh Gjeloshaj, rezulton të mos ketë ndryshuar përbërësit e gjendjes civile.

Pas verifikimeve të mësipërme Komisioneri Shtetëror i Zgjedhjeve me vendimin nr.167 datë 18.03.2021, vendosi: “Miratimin e listave shumëmemërore të Koalicionit Aleanca Bashkimi Popullor – Emigracioni – Ora e Shpresës dhe Konservatorët(ABEOK) qarku Shkodër,për zgjedhjet për Kuvend të datës 25 Prill 2021”.

II.

Komisioni Qendror i Zgjedhjeve, në zbatim të ligjit nr.138/2015 “Për garantimin e integritetit të personave që zgjidhen, emërohen ose ushtrojnë funksione publike”, verifikoi të dhënat në formularin e vetëdeklarimit të kandidatit për deputet z. Altin Losh Gjeloshaj.

Nga verifikimi i të dhënave në formularin e vetëdeklarimit të z. Altin Losh Gjeloshaj, rezulton se ka deklaruar:

- Në rubrikën III. “TË DHËNA MBI GJENDJEN GJYQËSORE TË PERSONIT”, të Formularit të Vetëdeklarimit,

Pyetjes 7, “A është marrë ndonjëherë për ju masa e dënimit nga një shtet i huaj?, subjekti vetëdeklarues është përgjigjur “Po” duke deklaruar se:

Më datë 28.12.2017 është dëbuar nga shteti Gjerman, me arsyen refuzim hyrje, për të cilën i është vendosur gjobë.

Pyetjes 8, “A keni jetuar ndonjëherë jashtë territorit të Republikës së Shqipërisë për më shumë se 1 muaj?”, subjekti vetëdeklarues është përgjigjur “Po” duke deklaruar se:

Ka jetuar në Gjermani, për arsye punësimi, më datë 27.12.2017.

Nga konstatimet e mësipërme dhe bazuar në nenin 8, pika 1, të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, Kreu V, pika 2, shkronja “c”, të Vendimit të Kuvendit, nr. 17/2016 “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, Komisioni Qendror i Zgjedhjeve me shkresën nr. 2436 prot., datë 22.03.2021, vendosi t’ia kalojë rastin për verifikim të thelluar Prokurorisë së Përgjithshme, si institucioni kompetent që kryen verifikimin e plotë të deklarimeve të bëra.

Me shkresën nr. 515/67 prot., datë 15.03.2023, Drejtoria e Koordinimit Institucional, Sektori i Dekriminalizimit pranë Prokurorisë së Përgjithshme, ka dërguar në Komisionin Qendror të Zgjedhjeve, vendimin “Për miratimin e rezultatit të verifikimit për subjektin z. Altin Losh Gjeloshaj, Prokuroria e Përgjithshme pas kryerjes së gjithë verifikimeve përkatëse, i konsideron këto të fundit të plota dhe të bazuara në nenin 8, pikat 1 dhe 2, të lidhura me nenin 5 të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” si dhe në përcaktimet e pikës 3 shkronja “ç”, Kreu III dhe pikave 10, 11, 12 e 13 të Vendimit të Kuvendit nr. 17/2016, ka miratuar rezultatit të verifikimit të subjektit vetëdeklarues z. Altin Losh Gjeloshaj, sipas të cilit konstatohet si më poshtë:

- Nuk rezulton të ketë kryer ndryshime në përbërësit e gjendjes civile, të padeklaruara në formular apo të ndryshme nga ato të deklaruara;
- Nuk rezulton të jetë dënuar për kryerjen e një vepre penale, me vendim të formës së prerë nga ndonjë autoritet gjyqësor shqiptar;
- Nuk rezulton i dënuar me vendim gjyqësor jopërfundimtar nga një autoritet gjyqësor shqiptar, për një çështje penale të pazgjidhur me vendim gjyqësor të formës së prerë;

- Nuk rezulton të ketë qenë në hetim ose gjykim, për kryerjen e një vepre penale;
- Nuk rezulton të ketë qënë i ndaluar apo arrestuar nga organet ligjzbatuese, për kryerjen e një vepre penale;
- Nuk rezulton ti jetë caktuar masë shtrënguese e sigurisë personale;
- Nuk rezulton të jetë lëshuar ndonjëherë ndaj tij urdhër kërkimi ndërkombëtar lidhur me kryerjen e veprave penale;
- Nuk rezulton të jetë marrë ndonjëherë për të masa e dëbimit nga një shtet i huaj, por rezulton të jetë urdhëruar, nga Policia Federale e Freilassing në Gjermani, që të largohet nga territori i republikës Federale të Gjermanisë në datën 31.12.2018, për tentativë hyrje në mënyrë të paligjshme;
- Nuk rezulton të ketë të tjera indicie apo të dhëna a rrethana fakte të bëra publike, apo informacion, me qëllim verifikimi të mëtejshëm:
 - Për veprimtari kriminale të kryer jashtë territorit të Republikës së Shqipërisë;
 - Për qënien në hetim ose gjykim nga një autoritet i huaj;
 - Për urdhër kërkimi ndërkombëtar lidhur me kryerjen e ndonjë vepre penale prej tij;
 - Dëbime nga territori i ndonjë shteti jashtë territorit të Republikës së Shqipërisë;
 - Përdorimin e të dhënave personale/gjenealiteteve të tjera.

III.

Komisioneri Shtetëror i Zgjedhjeve, në përfundim të shqyrtimit të dokumentacionit dhe rezultatit të verifikimit të thelluar, të Prokurorit të Përgjithshëm konstaton se:

Ligji nr. 138/2015 dhe vendimi nr. 17/2016 i Kuvendit, përcaktojnë në mënyrë të qartë dhe të detajuar se subjektet kanë detyrimin ligjor të deklarojnë çdo informacion në lidhje me gjenealitetet e tyre aktuale e të mëparshme, rekordet kriminale brenda dhe jashtë territorit të Republikës së Shqipërisë (vendime dënimi përfundimtare ose jo, hetime penale jashtë territorit të Republikës së Shqipërisë, masa sigurimi personale, vendime dëbimi, ndalim arrestime, hetime, etj).

Z. Altin Losh Gjeshaj, kandidat i listës shumëmemërore të Koalicionit Aleanca Bashkimi Popullor-Emigracioni -Ora e Shpresës dhe Konservatorët (ABEOK), në zgjedhjet për Kuvendin e Shqipërisë të datës 25 Prill 2021, qarku Shkodër, nuk ka marrë mandatin e deputetit. Subjekti zgjedhor, Koalicioni Aleanca Bashkimi Popullor-Emigracioni -Ora e Shpresës dhe Konservatorët (ABEOK), referuar neneve 162 dhe 163 të Kodit Zgjedhor nuk ka fituar asnjë mandat në qarkun Shkodër. Në kushtet kur subjekti vetëdeklarues, kandidat i listës shumëmemërore të Koalicionit Aleanca Bashkimi Popullor-Emigracioni -Ora e Shpresës dhe Konservatorët (ABEOK), nuk do të mund të përfitojë mandat në qarkun e Shkodrës për këtë legjislaturë, Komisioneri nuk mund të shprehet me vendimarrje për çështjen objekt shqyrtimi, për sa kohë ky subjekt nuk gëzon statusin e deputetit dhe në asnjë rast e për asnjë rrethanë nuk do të mund të marrë këtë funksion publik për të cilin është iniciuar procedura administrative e verifikimit të thelluar.

Komisioneri mund të shprehet vetëm kur përmbushen kushtet ligjore të moskandidimit, moszgjedhshmërisë apo mbarimit të mandatit për rastet e parashikuara në ligjin 138/2015. Në rastin objekt shqyrtimi, në analizë dhe zbatim të neneve 10 dhe 11 të ligjit 138/2015, si dhe neneve 90 dhe 95 të ligjit 44/2015, “Kodi i Procedurave Administrative” vlerësohet se ka humbur objektin dhe qëllimin e procedurës administrative të filluar përpara ditës së zgjedhjeve.

PËR KËTO ARSYE:

Bazuar në nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit 44/2015 “Kodi i Procedurave Administrative”, ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”

V E N D O S:

1. Deklarimin e procedurës administrative të përfunduar dhe pa vendim përfundimtar për subjektin vetëdeklarues z. Altin Losh Gjeloshaj.
2. Ky vendim hyn në fuqi menjëherë dhe publikohet në faqen zyrtare elektronike të Komisionit Qendror të Zgjedhjeve.
3. Kundër këtij vendimi mund të bëhet ankim në Komisionin e Ankimeve dhe Sanksioneve, brenda 3 (tre) ditëve nga shpallja e tij.

Komisioneri Shtetëror i Zgjedhjeve

Ilirjan CELIBASHI